



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Sacrum Sanctuarium Crucis Et Patientiae Crucifixorum Et Cruciferorum

Bivero, Pedro de

Antverpiæ, M.DC.XXXIV.

Oraculum VI. Regis gloriosi languentis & morientis. Ioan. 19, 30. Cùm ergo accepisset Iesus acetum dixit: Consummatum est.

[urn:nbn:de:hbz:466:1-47616](https://nbn-resolving.org/urn:nbn:de:hbz:466:1-47616)

cum iam moriturus diceret: *Non recuso laborem.* Sequatur interim per omnia sitientem, qui dicit de se: *Cucurri in siti.* Dicat cum D. Augustino lib. Meditat. <sup>Psal. 61, 5.</sup> cap. 37. *Rex potentissime trabe me sursum ad te. Curram post te in odorem unguentorum tuorum. Curram, & non deficiam, te trahente, & me currente. Trahe os sitientis anima in aeterna fluenta aeterna satietatis, imò trabe me ad te fontem viuum, ut pro captu meo bibam, vnde semper viuam.*

ORACVLVM VI.

Regis gloriosi languentis & morientis.

Ioan. 19, 30.

*Cum ergo accepisset IESVS acetum dixit:  
Consummatum est.*

**S**umma fellis & aceti amaritudine opus redemptionis nostrae languens in cruce **CHRISTVS** <sup>Finis AMARITUS.</sup> perfecit & consummauit, ut scirent mortales omnes, non gaudiis & voluptatibus, sed angoribus & doloribus pensum humanae vitae absoluendum. Hic finis filiorum Dei, quem Filius Dei **CHRISTVS** habuit, & in quo filij adulterorum ab ipso omnino discrepant. *Filij adulterorum*, Sapiens ait, *in consum-* <sup>Sap. 3, 16.</sup> *matione non erunt.* Huc pertinet, quod scribit Aposto-

Pppp 2                      lus



lus cap. 12. ad Hebræos. *Quem diligit Dominus, arguit: flagellat autem omnem filium, quem recipit. In disciplina perseverate. Tamquam filiis vobis offert se Dominus: quis enim filius, quem non corripit pater? Quod si non disciplinam estis, cuius participes facti sunt omnes: adulteri, & non filij estis. Ergo monendus ager, ut legitimus Dei filius, & non adulterinus esse velit: perseveret usque ad mortem in passionibus & tribulationibus, cui Deus ipse dicit: *Fili noli negligere disciplinam Domini: neque fatigeris, dum ab eo argueris.**

PROV. 3, 11.

Dixit Medicus salutis nostræ, *Consummationem* ut ostenderet, curationem infirmæ naturæ nostræ omnino esse perfectam. Qualis propterea debeat esse homo cum CHRISTO, qui est auctor salutis nostræ: monuit omnem hominem Ecclesiasticus cap. 38. *Honora Medicum propter necessitatem: etenim illum creavit Altissimus. A Deo est enim omnis medela, & à Rege accipiet donationem. Disciplina Medici exaltabit caput eius: & in conspectu magnarum collaudabitur. Altissimus creavit de terra medicamenta, & vir prudens non abhorret illa. Nonne à ligno indulcata est aqua amara? Nonne à ligno sanctæ Crucis acetum ipsum versum & conversum est in liquorem suavissimum? Fateatur citatus Ambrosius: *Benè ad consummanda omnia, & corruptio sinceritatis hauritur, ut omnia cruci, que vitia**



erant, figerentur. Concludit tandem: Ergo acetum bibitur, hoc est, vitium corruptæ per Adam immortalitatis aboletur in calamo, vt de corpore absolueretur humano. Hic ipse cælestis Medicus, in cuius elogium addit deinde Ecclesiasticus: Ad agnitionem hominum virtus illorum, & dedit hominibus scientiam Altissimus, honorari in mirabilibus suis. In his curans mitigabit dolorem, & unguentarius faciet pigmenta suauitatis, & vnctiones conficiet sanitatis, & non consummabuntur opera eius. Deus in mirabilibus suis honoratur, cum æger sacrum accipit Viaticum, in quo memoriam fecit mirabilium suorum misericors & miserator Dominus, escam dedit timentibus se. Tunc agit unguentarium ad mitigandum temperandumque dolorem, cum vitur extrema Vnctione, in qua pigmenta suauitatis & sanitatis continentur, quemadmodum cap. 5. scribit Iacobus Apostolus: Infirmatur quis in vobis? inducat Presbyteros Ecclesiæ, & orent super eum, ungentes eum oleo in nomine Domini, & oratio fidei saluabit infirmum, & alienabit eum Dominus, & si in peccatis sit, remittentur ei. Post hæc quid aliud sperare debebamus, nisi quod diceret Ecclesiasticus cum CHRISTO, Consummaturum est? & tamen ait, Et non consummabuntur opera eius.

Dei perfecta sunt opera, & donec viuat infirmus,

PPPP 3                      ade-



aderit semper Medicus, aderit CHRISTVS, cui  
 præsentiam recolentes dicimus in animæ commen-  
 datione: *Liberet te à cruciatu CHRISTVS, qui pro te  
 crucifixus est. Liberet te ab aeterna morte CHRISTVS,  
 qui pro te mori dignatus est. Constituat te CHRISTVS  
 Filius Dei viui intra paradisi sui semper amena virentia.  
 Et inter oues suas verus ille pastor agnoscat. Ille ab omni-  
 bus peccatis tuis te absoluat, atque ad dexteram suam  
 electorum te sorte constituat. Redemptorem tuum facere  
 faciem videas, Et præsens semper assistens manifestissimè  
 beatis oculis aspicias Veritatem. Constitutus igitur inter  
 agmina beatorum, contemplationis diuinæ dulcedine per-  
 ris in secula seculorum. Amen.*

## ORACVLVM VII.

Regis gloriosi languentis & morientis.

Lucæ 23, 46.

*Et clamans voce magna IESVS ait: Pater, in  
 manus tuas commendo spiritum meum. Et hæc  
 dicens, expirauit.*

Commen-  
 datio ani-  
 mæ.

**F**ORMA obitus CHRISTI, forma est exitus animæ  
 Commendat CHRISTVS spiritum suum diuino  
 Patri, & vt ait Ambrosius lib. 10. in Luc. cap. 23.  
 bene